



Betico Croes a fayecé

ORANJESTAD (NOTAR) Awe madruga pa banda di 3'or a drenta e noticia tristo cu e lider di MEP Sr. Betico Croes a fayece na Hulanda.

Manera ta conoci, Betico tabata victima di un accidente di auto grave ariba e anochi di aña bieuw, net algun ora prome cu Aruba a haya su Status Aparte, cu ta un paso di e lucha cu el a inicia pa independencia di Aruba cu lo mester bin na 1996.

Durante di su convalecencia cu a inicia den Dr. Horacio Oduber Hospital pa despues ser traslada pa Miami, y despues pa Chicago y pa finalmente pa Hulanda unda cu cabalmente Dialuna ultimo a mester a ser traslada atrobe pa un otro hospital, tabatin noticianan consolador pero cu no tabata duna gran speranza pa un total recuperacion.

E noticia di e ultimo tras-

lado aki hasta tabata indica un leve reaccion di parti di e lider politico di Aruba cu a cambia den e noticia tragico di awe madruga, cu Betico Croes a fayece.

For di dia di e accidente Betico Croes tabata den coma te na momento di su fayecimento.

Cu e deceso aki, Aruba a perde un di su lidernan politico mas grandi den su historia.

Casi un aña Sr. Betico Croes a pasa den un estado di coma despues di e horrible accidente, cu faltando 36 dia pa cumpli un aña, finalmente e lider politico di Aruba a drenta den un descanso.

E parti mas profundo di curazon di tur ciudadano di nos pais Aruba a ser sacudi fuertemente cu e noticia doloroso aki, un gran luchador, un lider di un capacidad excepcional, un politico di un talento grandi a laga nos..

NOBO den union cu e pueblo di Aruba ta sinti e



enorme perdida aki y ta extendende palabranan di condolencia na famia di e gran lider politico y na pueblo di Aruba en general.



ORANJESTAD — (NOTAR) — Consehero General Betico Croes a entregá un bandera di Aruba na Mr. A.P. Timmermans, miembro di Consejo di directiva di D.S.M. N.V. na Hulanda. Den cuadro di ayudo tecnico, Mr. Timmermans a asisti gobierno cu consehonan pa determina e daño cu e compania petrolera Lago a causa na e medioambiente Arubano. Mr. Timmermans a reuni durante e ultimo dianan cu miembronan di Colegio Ehecutivo y cu e comision petrolera bao guia di Consehero General Betico Croes. Como recuerdo di nan estadia na Aruba, Mr. Timmermans y señora a ricibi un bandera Arubana for di man di Consehero General Betico Croes.